

## Dumonda Marti concernent l'unda d'intervenziuns en il Cussegl grond

Ils ultims onns – uschia constateschan las sutsegnadras ed ils sutsegnaders – è il dumber d'intervenziuns creschì fermamain. Fitg bain sentan ins las intervenziuns avant las elecziuns. Ma er singulas deputadas e singuls deputads dattan en egl tras in'accumulaziun d'intervenziuns e da dumondas. En quest connex n'èsi betg exnum automaticamain uschia, che tgi che inoltrescha dapli intervenziuns, presta er dapli en il Cussegl grond.

Il dretg sin intervenziuns è in instrument impurtant per las parlamentarias ed ils parlamentararis. Tuttina – uschia l'avis da las sutsegnadras e dals sutsegnaders – na duess ina tscherta mesira betg vegnir surpassada areguard la frequenza d'incumbensas, da dumondas e da questions durant l'ura da dumondas e duess vegnir observada ina relevanza surordinada. Igl è numnadamain generalmain enconuscent che intervenziuns chaschunan blera lavur a l'administraziun ed èn qua e là memia operativas, quai che pleda cunter la separaziun da las pussanzas.

Perquai vegnan tschentadas a la Regenza las suandantas dumondas, las qualas en spezial er il Cussegl grond pudess trair a niz en il senn d'ina autoreflexiun.

1. Quantas intervenziuns (incumbensas, dumondas, ura da dumondas) èn vegnidas inoltradas ils ultims 4 onns mintga onn?
2. Quantas da questas intervenziuns avessan pudì vegnir liquidadas – tenor l'avis da la Regenza – er a maun d'in simpel telefonat al commember da la Regenza cumpetent u a l'uffizi cumpetent?
3. Quantas uras lavur chaschuna ina intervenziun en media?
4. Quantas intervenziuns (mo incumbensas) èn vegnidas acceptadas procentualmain?
5. Tar quantas dumondas è l'emprima sutsegnadra u l'emprim sutsegnader stà cuntent cun la resposta?

Tavau, ils 21 d'avrigl 2021

**Marti**, Pfäffli, Aebli, Berweger, Bettinaglio, Bigliel, Brandenburger, Brunold, Buchli-Mannhart, Caluori, Casutt-Derungs, Caviezel (Tavau Clavadel), Censi, Della Cà, Deplazes (Rabius), Dürler, Engler, Epp, Felix, Flütsch (Spleia), Föhn, Gugelmann, Hardegger, Hartmann-Conrad, Hefti, Holzinger-Loretz, Jochum, Kienz, Koch, Kunfermann, Kuoni, Loepfe, Maissen, Märchy-Caduff, Michael (Donat), Mittner, Müller (Susch), Natter, Paterlini, Salis, Sax, Schneider, Stiffler, Tanner, Thomann-Frank, Thür-Suter, Ulber, von Ballmoos, Waidacher, Weidmann, Wellig, Widmer (Favugn), Zanetti (Landquart), Adank-Arioli, Costa, Decurtins-Jermann, Flütsch (St. Antönien), Heini, Maurizio, Tomaschett (Cuira)